



FRITZSCHE.
LOCI ALIQUOT
DIFFICILIORES
TRINUMMI.





J. Switt & Co.





LL
P7217t
yf

INDEX

LECTI ONUM

IN

ACADEMIA ROSTOCHIENSI

SEMESTRI HIBERNO A. MDCCC^{XLIX}_L

A DIE XX M. OCTOBRI

PUBLICE PRIVATIQUE HABENDARUM.

CORRIGUNTUR IN PRAEFATIONE

LOCI ALIQUOT DIFFICILIORES TRINUMMI.

LITERIS ADLERIANIS.

De Trinummo, quam in optimis Plauti fabulis numerare non dubito, memoria nostra duo critici praeclare meriti sunt, G. Hermannus atque F. Ritschelius, quorum editiones in omnium Plauti lectorum manibus esse convenit. Fatendum est tamen, hanc comoediam vel sic haud paucis locis corruptam esse, omninoque Plautum ejusmodi esse scriptorem, qui nisi conjuncta multorum opera tantopere expoliri vix possit, ut eum sui quae simillimum ubique reditum agnoscas. Sed ad fabulam ipsam veniamus. Prologi igitur v. 15 „dedi ei meam gnatam, (sc. Inopiam) quicum aetatem exigat“ ego non solum in metro, verum etiam in sententia haereo. Nam aetatem exigere diuturnitatis est: atqui Lesbionicus mox iterum dicescet. Quare scribendum puto „dedi ei meam gnatam, quicum egestatem exigat“ conferoque Captiv. V, 4, 12 et infra III, 2, 60. — I, 2, 10 (v. 48) „CA. O amice, salve. [atque aequalis. ut vales, | Megaronides?] ME. et tu edepol salve, Callicles.“ Idem Callicles modo sic erat locutus: „quoja hic vox prope me sonat?“ Verba uncis inclusa in Ambrosiano caeterisque libris omnibus leguntur, sed glossemata esse Lomanus atque Ritschelius judicant. Ac sane Plauti hunc versum fuisse „o amice, salve. M. et tu edepol salve, Callicles“ et res ipsa monstrat et usus docet comicorum: cf. Bacchid. II, 2, 5. Ter. Andr. II, 1, 18. Heeyr. I, 2, 7. Phorm. IV, 3, 4 ibique varr. lectt. Tum etiam illud „ut vales“ e v. 13 natum defendendumque esse patet. Potest igitur fieri, ut duumviri illi plane verum viderint; potest etiam, ut in verbis „atque aequalis Megaronides?“ alius lateat Plauti versus, hoc similive modo concipiendus

„CA. [Num amicus] atque aequalis [est] Megaronides?

O amice, salve. ME. et tu edepol salve, Callicles.“

Ceterum cf. Rud. I, 4, 10. — I, 2, 34 (v. 72). Conjicim equidem, „Nam si in te aegrotant artes antiquae tuae, | aut si demutant mores ingenium tuum, | neque tuos antiquos servas, sed captas novos, | omnibus amicis —.“ Legebatur „neque

eos antiquos servas, ast captas novos," quod ferri non posse Ritschelius in Parergis Pl. I, p. 514 sqq. demonstravit. Ibidem ostendit, ineptum novitiumque versum „sine immutare vis ingenium moribus" Ambrosiani auctoritate delendum esse pannumque istum miseram esse sive explicationem sive correctionem proximi versus „aut si demutant —." Nequaquam h. l., id quod quidam fecit, de duplici recensione cogitandum est. — I, 2, 54 (v. 91) „Sunt, quos scio esse amicos; sunt, quos suspicor; | sunt, quorum ingenia atque animos nequeo noscere, | ad amici partem an ad inimici perveniant; | sed tu ex amicis certis mi es certissimus." Distinguuntur quatuor amicorum genera, amici certi, amici vulgares, homines in agendo obscuro (amici in frontem, animo fortassis insidiosi), denique amici longe certissimi. Ita enim facilem locum plerique bene explicaverunt, novissime Bergkiius in *Annal. Antiq. Liter.* (a. 1848) Fasc. XII No. 141—144 p. 1124 sqq. Quo non intellecto Ritschelius in Parergis p. 517—522 unum ex his versibus temere mutat, alium non minus temere a Plauto abjudicat. Continuo haec sequuntur, „Si quid seis me fecisse in scite aut improbe, | si id non accusas, tute objurgandus. ME. scio | et si huc alia causa ad te adveni, aequum postulas. | CA. Exspecto, si quid dicas." Camerarii transpositione „alia huc" metro satisfit, non item veritati sententiae, quae qualis esse debeat, patebit conferenti ejusdem scenae v. 29 sq. (67 sq.). Corrige: ME. „scio | et illa huc causa ad te adveni: aequum postulas." Hoc vult: scio, te improbe fecisse et ideo huc veni: aequum est te accusari. — I, 2, 92 (v. 129) „dedistine hoc facto ei gladium, qui se occideret?" Ita codices antiqui. Praecedunt autem haec „argentum dedi" et „dedisti argentum?" Scribe, „dedisti hoc facto ei gladium, qui se occideret" i. e. argento dato gladium ei dedisti. Deinceps retineo vulgatam, „quid secus est aut quid interest dare te in manus —." — I, 2, 112 (v. 149) „quoniam hinc est profectus peregre Charmides. | thesaurum demonstravit —." Ita codices. Unice probo Scaligeri emendationem, „quoniam hinc est profecturus peregre Charmides." Cf. ejusdem scenae v. 75 (v. 112). — I, 2, 121 (v. 158) „si quid eo fuerit, certe illius filiae, | quae mihi mandatast, habeo dotem unde dem." Conjeceram „habeo dotem ei unde dem," idque exstat in ed. tertia Parei probaratque olim ipse Ritschelius Parerg. p. 526. Similiter Hermannus „habeo dotem illi unde dem" estque haec syntaxis Plautina, ut infra II, 2, 47 (v. 328). Antiquus codex pro „dotem" scribit „dotem". — I, 2, 146 (v. 183) „Haec sunt si recte seu pervorse facta sunt, | ego me fecisse confiteor, Megaromides." Sic Ambrosianus. Utor transpositione, „Haec si sunt recte, seu pervorse facta sunt" i. e. sive haec recte habent, *εἴτε ῥαῖτια καλῶς ἔχει*. Similiter Bothius, „Haec seu sunt recta —." Sequitur versus, „en mea malefacta, en meam avaritiam tibi." Insero tibi, ut Hermannus inseruit, alio tamen loco, „en tibi mea malefacta, en meam avaritiam tibi." — I, 2, 163 (v. 200) „Nihil est pro-

fecto stultius nec stolidius, | neque mendaciloquius, neque adeo argutum magis —.
 Sic Ambrosianus. Hinc corrigendum est, „— neque mendaciloquum, neque
 adeo argutum magis“ (h. e. neque magis mendaciloquum). — I, 2, 169 (v. 206)
 „quod quisque in animo habet aut habiturus est, sciunt.“ Transpono in hunc mo-
 dum, „quod in animo quisque habet aut habiturus est, sciunt.“ — Act. II init.
 (v. 223 sqq.) De hoc cantico, quod in praestantissimis est, alio loco pluribus ex-
 positum est, quo loco omnia Plauti cantica eorumque metra duce imprimis Her-
 manno tractavi. Quae scriptio quum nondum edita sit, hic aliquot certe versus
 verbo attingam. V. 16 (v. 242) NAMQUIAMATQUODAMATQUAMEXTEMPLO
 SAUHSPECULSUSEST. Ita Ambrosianus. Ritscheli conjecturae exstant in
 Parergis p. 527 et Proleg. p. CCCXIV. Altero loco de metro recte iudicat, neutro
 persanasse versum videtur. Corrige,

Nam qui emit, quod amat, quum extemplo saviis percussus est,
 illico res foras labitur, liquitur.

H. e. qui meretricem amat pretio venalem: quae saepius dicitur emi, ut in Mostell.
 I, 3, 128 et Horat. Od. III, 6, 32. Neutrum genus „quod amat“ saepe comici
 ponunt pro vulgari „quam amat.“ — V. 22 sqq. (252). In loco tam ad metra dif-
 ficili quamvis nemo sibi satisfaciat, non debebat tamen Ritschelius Hermanni nu-
 meros plane rejicere, quos partim secutus timide conjicio,

Vestiplica, unetor, auri eustos, flabelliferae, sandaligerulae,
 cantrices, cistellatrices, nuntii, reuntii,
 rap | tores panis et peni: fit ipse, dum illis comis est,
 amator inops. haec cum ago cum meo animo,
 et recole, ubi qui eget, quam preti sit parvi, apage
 amor, non placēs, te nil utor, quanquam illud
 dulcēst esse et bibere.

Amor amara dat tibi satis, quod aegre sit, fugit forum,
 fugat tuos cognatos, fugat sese ipse a suo
 contutu: neque eum sibi volunt dici amicum.

Mille modis amor ignorandus, procul habendus, abstinendus.

Ultimo versu libri absurde „procul adhibendus,“ pro quo bene Lindemannus cor-
 rexit „procul habendus“. Deinceps libri, „sunt tamen, quos miseros maleque ha-
 beas“. Scribo, duce partim Hermanno, „sunt tamen, quos nimis misere maleque
 habeas“. — II, 2 init. metro succurrendum est. Libri „neque tibi ero in mora
 neque“. Conjicio „neque erit mora in me nec“ comparoque Ter. Andr. II, 5, 9.
 Deinceps libri „ceteris factis, patrem tuum si percoles per pietatem“. Corrigo
 „factis id ceteris, parque pietati, tuum si patrem percoles“. Mox libri vulgares „foro
 ullum“, Ambrosianus autem „FORO . . . ULLUM“. Insero „malum“. Sic igitur lego,

L. Pater, ádsun: imperá quidvis, néque erit mora in me,
nec látebrose me ábs tuo conspéctu occultábo.

PII. Féceris pár tuis fáctis id eéteris,
párque pictáti, tuum sí patrem pércoles.
Nólo ego cum improbis té viris, gnáte mi,

neque in via neque in foro malum úllum sermonem éxsequi. —

II, 2, 12 (v. 289) ¶ pro „rape“ scribo „arripe“, tum, „lacrimas isthaec“ pro „lacrimas haec“, proximo autem versu Ritschelium sequor:

quo manus abstineant: caetera arripe, trahe, fuge, late.

Lacrimas isthaec mihi, quom video, eliciunt, quia ego ad hoc genus
hominum perduravi. quin me ad pluris penetravi prius? —

II, 2, 19 (v. 300) Comparantur inter se imperia et praecepta. Quamobrem ex-
cidit v. „praecepta“, non „consilia“:

Haec tibi, si capessés mea impéria,
múlta bona in pectore praecépta consistunt.

Ita enim continuo Lysiteles,

Semper ego usque ad hanc aetatem ab ineunte adolescentia
tuis servivi servitutem imperiis praeceptis pater.

Libri „imperii et praeceptis“, sed voculam „et“ jure Bothius delevit. Locus ita accipiendus: praeceptis tuis servivi sicut imperiis. Vide Dobraeum ad Plutum v. 314 et Doeringium ad Horat. Epp. 1, 2, 42. — II, 2, 30 (v. 311) „Nimio satiust, ut opust, te ita esse —] Pro „opust“ aliquot codices recte, „opus est“. Praeterea non dubito, quin „te“ pronomen delendum sit. Generalem enim hanc esse sententiam quum totus locus, tum maxime proximus versus docet:

Nimio satiust, ut opus est, ita esse, quam ut animo lubet.

Qui animum vincunt, quam quos animus, semper probiores eluent.

Posterior versus si quis alius ipsius Plauti est, de quo male dubitavit Ritschelius Parerg. p. 524 sq. Esto enim, ut eadem notio jam praecesserit: at senex supra metaphorice locutus est, quasi de vera victoria; nunc autem quum eos ipsos esse dicat „probiores“, loquitur proprie. — II, 2, 51 (v. 332) „Publicisne adfinis fuit an maritumis negotiis? } Mercaturanne an venalis habuit, ubi rem perdidit?“ Italus corrector „mercaturanne“ (sc. rem perdidit), probante duram istam structuram Lindemannno ipsoque Ritschelio p. CCCXXII. At nil mutandum. Lenissimum zeugma ita solvatur: mercaturanne (fecit) an venalis habuit, s. mercatorne fuit an venalitus? — II, 2, 94 (v. 375) L. „soror illist adulta virgo grandis: eam cupio, pater, | ducere uxorem sine dote. Ph. sine dote uxorem? L. ita —.“ Sic personas ex Ambrosiano correxit Ritschelius, quum rationem sententiarum nexus postulat. At displicet conjectura „sine dote uxoremne? ob collocationem encliticae. Scribo,

„ducere uxorem sine dote. Ph. sine dote autem uxorem? L. ita.“ In tali enim interrogatione „autem“ poni solet, ut ap. Ter. Eun. IV, 7, 28. Heec. I, 2, 25. Adolph. II, 1, 31. ibid. V, 8, 11 v. 17 et v. 27. — II, 2, 99 (v. 380) „multa ego possum docta dicta et quamvis facunde loqui“. Aut vocula et delenda, aut scribendum, dicta docte et, ut Bothius voluit magis conijcere, quam coniecit. Cf. Rudens IV, 8, 24. — II, 2, 108 (v. 389) „ecce autem in benignitate hoc repperi negotium“. Ineptum pronomen, quod natum videtur e versus proximi verbis „haec sunt aedes, hic“, recte olim Scaliger deleuit. Cf. Rudens II, 5, 26. — II, 3, 7 (v. 398) „suae senectuti is acriorem hiemem parat“. De contractione s'nex s'nectus nunquam dubitatum est. Quare non sequor Ritschelium ad h. l. et p. CXVIII. — II, 4, 11 (v. 413) St. „Quid, quod dedisti scortis? L. ibidem una traho. | St. Quid quod ego defrudavi? L. hem istaec ratio maxumast“. Requiro accentum „égo“, ut in oppositione. Sicut Cicero saepius conjungit „Quid, quod — quod“ ut in Catilin. I, 7 § 16, ita hic altero loco „quod“ conijcias: St. „quod ego defrudavi? L. hem istaec ratio maxumast“. — II, 4, 23 (v. 425) Corrige, „St. trapezitae mille drachumarum Olympico, | quas de ratione debuisti, redditae | pro sponsione nuper, quam tu exactus es. | LE. Nempe quas spopondi. St. immo quas dependi, inquit, | pro illo adolescente, quem tu esse aibas divitem“. Libri omnes „qua sponsione pronuper tu exactus es“ isque versus in caeteris libris post versum „Nempe — inquit“, in Ambrosiano autem ante eundem versum positus est. Haud dubie is versuum ordo sequendus est, quem Ambrosianus praecivit. Jam Scaliger constructionem saltem assecutus pro „qua sponsione“ emendaverat „quam sponsionem“: quando A. Gellius N. A. XV, 14 antiquos testatur ita locutos, pecunias exigor, portorium exigor. At praeterea et pronuper removendum et nexus orationis restituendus erat. Ita lenissima transpositione Planti manum restituisse videor. Illud enim „mille drachmae pro sponsione redditae sunt“ genus dicendi est vulgare; cf. supra II, 4, 1. Cic. ad Atticum I, 3, § 2. Hoc dicunt: si mille drachmae pro sponsione redditae sunt, nempe eas tantum spopondi. Immo eas dependisti tantaque pecunia perit. Ritschelius in Parergis p. 529 quod est facillimum fecit corruptumque versum non emendavit, sed sine idonea causa exturbavit. Optare illud quidem est non docere, si verum volueris lateri. Praeterea vir eximius etiam in eo erravit, quod paullo ante vulgatum „Olympicum“ retinuit idque in Proleg. p. LXXXIX pro certo habuit. At id quidem corruptum esse jam olim Camerarius senserat. Verissimae enim Pii codices antiqui pro eo exhibent „olympico“. Nominis Ὀλυμπιακός exempla quaedam e Plutarcho dedit Wytenbachius ad Plut. De S. N. V. p. 19. Adde primum Diog. Laert. V, 62. Tum in scholiis ad Acharn. v. 1149 pro nomine Ὀλυμπιακός corrige Ὀλυμπευκός e Suida s. Ἀντίμωχος et s. Ψεκάς. Ceterum h. l. lectio-

nem „Olympico“ probavit etiam Bergkiius l. l. (N. 144 p. 1146): qui etsi nomen Ὀλυμπικός ex Inscriptione ipse affert, putat tamen etiam „Olympico“ scribi posse. Unum idemque nomen fuit Ὀλυμπικός et Ὀλύμπιος, ita tamen ut posterior forma proprie fuerit dorica: de quo genere optime expositum est a grammatico in Etym. M. p. 582, 39, tum a Koenio ad Gregor. Cor. p. 290 sqq. et Lobeckio Patholog. p. 342. Attamen forma Ὀλύμπιος nonnunquam ipsi Attici utuntur, veluti Dioxippus comicus ap. Athen. XI p. 502, d et Demosthenes in Eubul. 38, 7 B. Sed quum Etymologus l. l. utramque nominis formam diserte agnoscat, non nostri res arbitrii est, sed codicum auctoritas sequenda. — II, 4, 91 (v. 492). „Di divites sunt, deos decent opulentiae | et factiones: verum nos homunculi | satillum animae: qui quum extemplo emisimus, | aequo mendicus atque ille opulentissimus | censetur censu ad Acherontem mortuus.“ Ridiculam conjecturam „salillum“ jure exposit Ritschelius: qui quae de hujus l. restitutione p. LXXIX et p. CCCXXIV ipse dixit, invitae legi. Equidem conjicio, „scintilla animai“ sive malis „scintillula animae: quam quum extemplo emisimus —.“ Nolo uti inferiore loco III, 2, 52 (v. 678), ubi v. „scintillam“ alio modo corruptum est. Sed simillimo modo Philostratus Vit. Apollon. IV, 45 p. 186 exiguas vitae reliquias *σπιονθῆρα τῆς ψυχῆς* appellavit. Quam conjecturam hoc magis afferendam putavi, quod in eandem per se Bachmannus quoque incidit, vir amicissimus. — II, 4, 102 (v. 503) haec ita transpono, „elen, ubi nil erat usus dicto, spondeo | dicebat: nunc hic, quum opus est, non quit dicere“. Haec haecenus.

INDEX LECTIÖNUM.

In ordine theologico.

- D. Gustavus Fridericus Wiggers, P. P. O.,** Academiae Senior, h. l. Decanus, privatim 1) historiam dogmatum seuis dd. h. IX tradet; 2) historiae ecclesiasticae partem posteriorem inde a mediæ aevi initio ad nostram usque aetatem quinis dd. h. XII enarrabit. Publice catechetice dd. Lunae et Jovis h. III praecipiet. In Seminarii sodalitiis catecheticas sodalium exercitationes tempore constituto moderabitur.
- D. Jo. Phil. Bauermeister, P. P. O.,** 1) quinis diebus h. X evangelium et epistolas Joannis apostoli interpretabitur; 2) quaternis dd. h. XI systema ecclesiae Lutheranae exponet cum eoque placita ecclesiae Romanae, Graecae, Reformatae, Socinianismum et Rationalismum hodiernum comparabit; 3) binis dd. h. XI isagogen in libros ecclesiae Lutheranae symbolicos tradet.
- D. Otto Carsten Krabbe, P. P. O.,** publice 1) ternis dd. h. IX encyclopaediam theologiam exponet; 2) ternis dd. h. IX archaeologiam ecclesiasticam tradet; privatim 3) senis dd. h. X theologiam dogmaticam docebit; 4) in Seminarii sodalitiis homileticas sodalium exercitationes die Mercurii h. II et III moderabitur.
- D. Franc. Delitzsch, P. P. O.,** privatim 1) historiam prophetiae literarumque prophetiarum Veteris Test. senis dd. h. XII enarrabit; 2) evangelium Matthaei quaternis dd. h. XI interpretabitur; publice 3) Canticum Canticorum exponet horis vespertinis diei Veneris adhuc Conversatorio exegetico constitutis; 4) Borhâneddini ez-Zernûgi Enchiridion Studiosi (ed. Caspari, Lips. 1858) explicabit binis p. h. horis iisque definiendis.
-
- D. Julius Wiggers, P. P. E. Des.,** 1) publice epistolam Pauli ad Galatas explicabit dd. Mart. et Ven. h. IV; privatim 2) evangelia Matthaei, Marci et Lucae quinis dd. h. X interpretabitur; 3) quaternis dd. XI isagogen in N. T. praeibit.

In ordine juridico.

- D. **Conradus Theodorus Gründler, P. P. O.**, tradet 1) encyclopaediam juris, duce Falck, quaternis diebus h. IX; 2) textum institutionum juris secundum editionem minorem Schraderi senis diebus h. XI.
- D. **Augustus Ludov. Diemer, P. P. O.**, docebit 1) publice quateru. dieb. h. XI encyclopaediam et methodologiam juris, ex compendio Ludovici de Loew; 2) privatim quaternis diebus h. X jus ecclesiasticum utriusque confessionis Germanicae, duce libro Richter ed. 5. et 5) totidem dieb. hora deinde constituenda jus Germanicum privatim, ex systemate C. F. Eichhorn.
- D. **Fridericus Raspe, P. P. O.**, h. t. Decanus, tradet principia juris criminalis communis et megapolitani, duce Heffter, sexies h. XI — XII et XII — I.
- D. **Burcard. Guilielmus Leist, P. P. O.**, 1) Pandectas quotidie h. IX — XI; 2) jus hereditarium h. IV — V quinquies per hebdom. docebit.
- D. **Carolus Georgius Bruus, P. P. O. Des.**, tradet 1) institutiones juris civilis sexies p. h. h. XI; 2) historiam juris romani sexies p. h. h. XII.

- D. **Theophilus Henricus Fridericus Gaedeker** 1) tradet principia, quae officium notariorum spectant, horis deinde constituendis; 2) quater per hebdom. collegium civile practicum instituet.
- D. **I. de Gloeden** practicum processuale ter p. h. horis III — V instituet.

- D. **Adolphus Schliemann** 1) privatim institutiones juris civilis tradet sexies p. h.; 2) privatim exercitationes Pandectarum practicas moderabitur quater p. h.; 3) publice exercitationes exegeticas instituet bis p. h.

In ordine medico.

- D. **Henricus Spitta, P. P. O.**, tradet quatern. p. h. diebus 1) pathologiam et therapiam specialem; 2) medicinam forensam; 3) clinicam propaedeuticam biuis p. h. diebus.
- D. **Carolus Stempel, P. P. O.**, h. t. Decanus, docebit quater p. h. 1) materiam medicam arteumque formulas medicas rite concinnandi h. IV; 2) chirurgiae partem primam h. VIII; 3) artem

- operationum chirurgicarum et ophthalmiatricarum in cadaveribus illustrandam; 4) exercitationes practicas in Clinico medico-chirurgico quotidie h. XI — I moderabitur.
- D. Carolus Fridericus Quittenbaum, P. P. O.,** 1) in demonstrationibus anatomicis splanchnologiam, angiologiam et neurologiam horis II — IV diebus Lunae, Martis et Jovis; 2) osteologiam, syndesmologiam et myologiam horis II — IV diebus Mercurii et Veneris docebit; 3) in secundis cadaveribus auditores horis IX — XII quotidie erudiet.
- D. Fridericus Hermannus Stannius, P. P. O.,** h. t. Rector, docebit 1) pathologiam generalem quinque p. h. hor. XI; 2) anatomem comparatam quinque p. h. hor. XII.
- D. Christianus Krauel, P. P. O.,** 1) tradet artem obstetriciam quater p. h. h. IV; 2) exercitationes practicas in clinico obstetricio quotidie h. VIII moderari perget.
-
- D. Jo. Frid. Guil. Lesenberg** has lectiones offert: 1) encyclopaediam et methodologiam artis medicae; 2) chirurgiam; 3) artem obstetriciam; 4) repetitoria et examinatoria.
- D. Joannes Schroeder** tradet 1) pathologiam et therapiam generalem; 2) medicinam forensis; 3) pathologiam et therapiam morborum psychicorum. Examinatoria et repetitoria de quavis artis medicae parte cupientibus offert.
- D. Ludovicus Dragendorff** offert lectiones et repetitoria de arte obstetricia et de gravissimis gravidarum, puerperarum neonatorumque morbis.
- D. Augustus Kortüm** has lectiones offert: 1) prolegomena in pathologiam et therapiam, publice, binis p. h. horis; 2) de pathologia et therapia speciali, privatim, quaternis p. h. horis.
-

In ordinae philosophico.

- D. Franciscus Volmarus Fritzsche, P. P. O.,** h. t. Decanus, publice 1) quaternis diebus h. VIII historiam literarum graecarum persequetur; 2) binis diebus h. VIII Plauti militem gloriosum explicabit; 3) quaternis diebus h. III Euripidis supplices interpretabitur. Denique exercitationes Seminarii philologici moderari perget, in quo libri aliquot Luciani et Terenti Andria tractabuntur.
- D. Joannes Roeper, P. P. O.,** privatim docebit 1) Zoologiam generalem, demonstrationibus in Museo academico illustrandam

- quinis diebus h. XI; 2) initia cryptogamologiae diebus Mercurii, Jovis et Veneris h. III; 3) publice geographiam plantarum diebus Lunae et Martis h. III tractabit; 4) disputationes de rebus physicis una cum collegis de Blücher et Karsten moderabitur.
- D. Eduardus Danielus Henricus Becker, P. P. O.,** 1) publice elementa rei rationariae oeconomicae tradet bis p. h. hora XII; 2) privatim agriculturam quaternis diebus h. IX et rem pecuariam quaternis diebus h. XI docebit.
- D. Ludov. Bachmann, P. P. O.,** 1) privatim quater p. h. Theocriti idyllia interpretabitur; 2) privatim bis p. h. Plinii epistolas explicabit; 3) privatissime quater p. h. topographiam veteris Graeciae duce Pausania tractabit.
- D. Helmut de Blücher, P. P. O.,** privatim tradet 1) chemiam experimentalem sexies p. h. h. X; 2) chemiam practicam ter p. h. h. II—IV.
- D. Hermannus Karsten, P. P. O.,** docebit publice astronomiam popularem bis p. h.; privatim 1) geometriam analyticam quater p. h.; 2) staticam et mechanicam analyticam quater p. h.; 3) mineralogiam quater p. h. horis commodis. Privatissimas denique offert scholas de quavis matheseos vel physices parte, nec non de rebus nauticis.
- D. Carolus Türk, P. P. O.,** 1) literas politicas tractabit bis p. h. h. II publice; privatim 2) historiam mediæ aevi quinques p. h. h. II et III; 3) historiam legum Germanicarum ter p. h. h. XI docebit.
- D. Christianus Wilbrandt, P. P. O.,** privatim 1) historiam philosophiae senis diebus h. IX docebit; 2) historiam literarum Germanicarum quinque diebus h. X enarrabit; 3) exercitationes Seminarii philosophico-aesthetici moderabitur horis constituendis.
- D. Carolus Hegel, P. P. O.,** 1) publice de civitate historice disseret bis p. h.; privatim 2) historiam Megapolitanam ter h. IV docebit; 3) historiam populi Germanici quinques h. V tradet.
-
- D. Fridericus Francke, P. P. E.,** privatim 1) de philosophia historiae generis humani disseret ter p. h. h. III; 2) ethiceam sive doctrinam morum praecepit quinques p. h. h. IV; 3) politiceam i. e. naturam et finem civitatis illustrabit itidem quinques p. h. h. V.
- D. Georgius Nicolaus Busch, P. P. E.,** privatim 1) quaternis diebus h. III historiam literarum latinarum pertractabit; 2) qua-

- ternis diebus h. IV Euripidis Phoenissas interpretabitur; 5) binis diebus h. III de vita privata Romanorum disseret. Praeterea exercitationes societatis philologicae privatae moderari perget.
- D. **Eduardus Schmidt, P. P. E.**, docebit 1) publice introductionem philosophicam in theologiam moralem et dogmaticam, bis p. h. h. III; privatim 2) philosophiam historiae maximeque novissimae quater p. h. h. IV; 3) psychologiam quater p. h. h. V.
- D. **Carolus Weinholtz** privatim 1) logicam formalem e systemate suo (*„die Erfahrungs-Logik“*, Rostock 1834) docebit comparatis Aristotelis et Hegelii doctrinis; 2) de explicatione naturali juris et civitatum disseret spectabitque suos ipsius libellos hos: *„Die Begründung des Rechts“*, Rostock 1847, und *„die staatsbürgerliche Freiheit und Gleichheit“*, Rostock 1849.
- D. **Bernardus Sthamer** 1) pharmacognosin bis p. h. h. II tradet; 2) chemiae pharmaceuticae partem non organicam bis p. h. h. III docebit; 3) exercitationes practicas in Laboratorio chemico-pathologico quater p. h. h. IX—XII instituet; 4) Repetitoria et examinatoria cupientibus offert.
- D. **Julius Robert** privatim 1) quaternis diebus de lingua Gallica scholas practicas habebit; 2) de scriptoribus Gallicis saeculi nostri disserere perget binis diebus; 3) publice binis diebus de viris clarissimis exponet, qui ab anno h. s. tricesimo in Gallorum republica maxime versati sunt.

* * *

Bibliotheca h. XII—I quotidie, festo die et solis excepto, **Museum** autem die Lunae h. II—IV commilitonibus nostris aliisque aperietur. Conferatur § I legum de usu bibliothecae academicae scriptarum. Gallicam, anglicam aliasque linguas peregrinas discendi occasio data est. Sunt etiam magistri publice constituti, qui artem equitandi, pingendi, musicam et artem gymnasticam doceant.

Summo academiae magistratu hoc tempore fungitur

Hermannus Stammius, M. D.


Praesidet ordini Theologorum **Gustavus Wiggers, Th. D.**

Juris consultorum **Friedericus Raspe, J. U. D.**

Medicorum **Carolus Stempel, M. D.**

Philosophorum **Franciscus Fritzsche, Ph. D.**





Not used.

55
17:17
.VI

Printed, P.V.

Book: All get difficulties to find.

DATE	NAME OF BORROWER

**University of Toronto
Library**

**DO NOT
REMOVE
THE
CARD
FROM
THIS
POCKET**

Acme Library Card Pocket
Under Pat. "Ref. Index File"
Made by LIBRARY BUREAU

